

四庫全書

子部

欽定四庫全書

子部

皇極經世書卷六中

詳校官中書

臣呂光復

靈臺郎

臣倪廷梅覆勘

總校官編修

臣王燕緒

校對官主事

臣陳文樞

謄錄監生

臣莊承簪

欽定四庫全書

皇極經世書卷六中

宋 邵雍 撰

觀物篇三十三 以運經世九

經元之甲一

經會之午七

經運之辛一百八十八

經世之子二千二百四十五

甲子晉惠帝十四年河間王顥廢皇后羊氏及皇太子

覃徙之金墉表成都王穎為太弟加九錫鎮鄴改
元永安右衛將軍陳珍復羊氏皇后及覃太子大
會司徒王戎及東海王越高密王簡平昌公模吳
王晏豫章王熾襄陽王範左僕射荀藩八部兵奉
帝北伐鄴師敗于湯陰嵇紹死之帝如北軍穎以
帝歸鄴改元建武顥將張方入洛復廢皇后羊氏
及覃太子安北將軍王浚東瀛公騰以烏丸兵攻
鄴穎師敗帝還洛陽河間王使張方徙帝西都長

安亦復羊氏皇后及永安年號廢穎太弟以豫章王熾為太弟改元永興王戎豫朝政始分東西臺是年李雄逐羅尚于成都稱王單于左賢王劉淵稱王離石國曰漢元曰元熙

乙丑東海王越嚴兵徐方范陽王虓抗師許昌成都王穎擁兵河間北河間王顥又復廢羊氏皇后以穎為大將軍都督河北虓越將周權入洛又復羊氏皇后洛陽令何喬殺周權又廢羊氏皇后虓越兵

攻潁不已潁敗棄鄴走洛陽虓越攻洛陽潁奔顯
于長安漢劉淵攻晉劉琨于板橋不利

丙寅東海王越范陽王虓兵攻長安河間王顥成都王
潁走南山虓越將祁弘宋胄以帝東還洛陽復以
羊氏為皇后改元光熙越稱太傅錄尚書事專制
虓為司空卒越遂弑帝立太弟熾是謂懷帝引溫
羨為司徒王衍為司空顥潁野死李雄稱帝成都
國曰蜀元曰太武謂之後蜀

丁卯晉改元永嘉東海王越稱大丞相鎮許昌以后父
梁芬為太尉成都王黨汲桑陷鄴王彌稱兵青徐
漢劉淵破晉河東諸郡晉劉琨獨保晉陽

戊辰劉淵稱帝蒲子改元永鳳拔晉平陽居之王彌石
勒附于漢石勒攻常山王彌攻洛陽焚建春門

己巳東海王越入洛殺大臣十餘人以左僕射山簡征
東大將軍都督荊州南鎮襄陽漢劉淵改元河瑞
石勒兵出鉅鹿王彌兵出上黨劉聰兵出壺關同

攻晉洛陽

庚午東海王越徵兵天下諸侯咸無從者自率兵出許昌漢劉淵卒子和繼叔楚王聰殺和代立改元光興以北海王義為皇太弟劉曜為相國石勒為大將軍

辛未天下亂晉詔兗州荀晞會諸侯兵伐許昌會東海王越卒乃止是年洛陽陷王衍為軍帥王師十二敗帝及傳國六璽皆沒于寇長安亦陷南陽王模

亦没于寇漢劉曜王彌石勒拔晉洛陽俘其帝于
平陽改元嘉平劉曜拔晉長安保之石勒害王彌
于巳吾而并其衆蜀李雄拔晉梓潼及涪城改元
玉衡

士申晉懷帝在平陽賈足逐劉曜于長安三輔與閭鼎
梁芬梁綜麴允共奉秦王鄴為皇太子以入長安
鎮東將軍瑯琊王睿帥亡衆大集壽春荀晞保蒙
城不利降于石勒劉琨保晉陽不利奔常山拓跋

猗盧以兵六萬來救大敗劉曜劉粲于狼猛劉琨復保陽曲漢劉聰納劉殷女二人為皇后孫四人為貴妃拔晉太原復失之

癸酉晉懷帝死于平陽皇太子鄴稱帝長安是謂愍帝改元建興以梁芬為司徒麴允為使持節領軍錄尚書事索綝為尚書左僕射瑯琊王睿為左丞相都督陝東諸軍事南陽王保為右丞相都督陝西諸軍事山東郡縣悉陷于寇漢石勒鎮襄國曹疑

攻下三齊據有廣固

甲戌晉以瑯琊王睿為大司馬荀組為司空劉琨為大將軍封涼州張軌為太尉西平郡王軌卒子寔繼稱西河王國曰涼元曰永興城姑臧是謂前涼漢劉聰立三皇后改元建元劉曜圍晉長安石勒圍晉幽州

乙亥晉進左丞相瑯琊王睿都督中外諸軍事右丞相南陽王保為相國司空荀組為太尉大將軍劉琨

為司空陶侃平江表獲杜弼漢劉聰立七皇后授
石勒專命俾征伐晉勒拔晉濮陽

丙子晉長安陷于寇帝出降于豆田中漢劉曜拔晉長
安俘其帝于平陽改元麟嘉石勒拔晉太原劉琨
走幽州依段匹磾

丁丑晉帝在平陽瑯琊王睿渡江稱晉王于建康元曰建
武以西陽王叢為太尉王敦為大將軍王導都督
中外帝死于平陽

戊寅晉王睿稱帝于建康改元太興以子紹為太子是
謂東晉元帝劉琨為段匹磾所害王敦稱牧荊州
王導開府建康漢劉聰卒子粲繼改元漢昌將靳
準殺粲代立相國劉曜自長安入至赤壁稱帝改
元光初加大將軍勒九錫封趙國公國人誅勒準
以迎曜

己卯晉南陽王保保祁山稱晉王漢劉曜還長安改國
曰趙是謂前趙殺石勒使者王循石勒稱王襄國

國曰趙元曰趙是謂後趙以張賓為之相號大執法以弟虎為之將號元輔

庚辰晉南陽王保走桑城死涼亂殺張寔寔弟茂代領其衆

辛巳晉王導為司空錄尚書事幽州陷段匹磾沒于石勒鮮卑慕容廆受晉持節都督遼東遼西

壬午晉改元永昌大將軍王敦以武昌叛破石頭自為丞相都督中外太保西陽王羨進位太宰加司空王

導進位尚書令石虎寇太山梁碩以淮陰叛帝憂
憤死皇太子紹嗣位是謂明帝石勒拔劉曜河南
癸未晉改元太寧王敦假黃鉞劉曜石勒皆入寇趙劉
曜拔晉陳安收隴城陝西城及上邽趙石勒滅晉
曹疑于廣固涼張茂稱藩于前趙

甲申晉王敦寇江寧帝御六軍敗敦于越城敦死于蕪
湖王導為太保蜀李雄以兄之子班為太子涼張
茂卒兄子駿立改元太光

乙酉晉以子衍為皇太子石勒入寇以陶侃為征西大將軍都督荆湘梁雍明帝終太子衍嗣位是謂成帝太后庾氏稱制司徒王導錄尚書事同中書令庾亮輔政遼西亂段遼殺其主自立趙石勒拔晉荆兗豫三州及劉曜新安許昌

丙戌晉改元咸和進王導大司馬假黃鉞都督中外軍事蜀李雄攻晉涪城趙石勒攻晉汝南

丁亥晉豫州祖約歷陽蘇峻彭城王雄章武王休連兵

犯建業司馬流距戰不克死于慈湖

戊子晉蘇峻敗內師于西陵入宮稱驃騎將軍錄尚書
事徙帝于石頭虞潭庾冰王舒稱義三吳會征西
將軍陶侃平南將軍溫嶠平北將軍魏該圍峻于
白石滅之峻弟逸代總其衆韓晃寇宣城祖約奔
石勒大敗劉曜于洛陽獲之遂滅前趙以徐光為
中書令

己丑晉蘇逸拔石頭帝野次滕含敗逸于石頭逸退保

吳興王允之敗逸于溧陽滅之趙

闕

安石

虎破上邽殺劉

闕

劉允三千人

庚寅晉陸玩孔愉為左右僕射起新宮于

闕

郭

默于尋陽蜀李雄

闕

東涼張駿

闕

于石勒

趙石勒稱帝自襄國徙都鄴改元建平

辛卯晉以陸玩為尚書令

壬辰晉徙居新宮進太尉陶侃大將軍趙石勒卒子宏

繼改元延熙加石虎九錫專政稱丞相魏

闕

殺中

書令徐光及右長史程遐

癸巳晉遼東公慕容廆卒子皝繼蜀李雄卒子班繼叔父壽專政趙亂石堪出奔譙城石朗稱兵洛陽石生抗軍長安石虎咸滅之

經世之丑二千二百四十六

甲午東晉成帝九年蜀李班為庶兄越所殺立雄子期改元玉恒越專政涼張駿受晉大將軍命

乙未晉改元咸康石虎入寇假大司馬王導黃鉞出兵

戊慈湖牛渚蕪湖趙亂石虎殺弘代立稱攝天王
改元建武

丙申

丁酉鮮卑慕容皝稱王遼東趙石虎稱趙天王

戊戌單于冒頓拓跋什翼犍稱王定襄國曰代元曰建
國蜀亂李壽自漢中入殺期代立改國為漢元曰
漢興慕容皝攻後趙

己亥晉王導卒伐蜀

庚子晉陸玩為司空遼東慕容皝獻伐石虎之捷漢李

壽拔晉丹州

辛丑晉慕容皝求為假燕王徙居和龍

壬寅晉成帝崩母弟瑯琊王岳立是謂康帝封成帝二

子丕為瑯琊王奕為東海王中書監庾冰中書令

何充參錄尚書事諸葛恢輔政漢李壽卒子勢繼

改元太和

癸卯晉改元建元

甲辰晉康帝崩太子聃繼是謂穆帝太后稱制趙石虎
伐涼不利伐燕有功

乙巳晉改元永和會稽王昱為撫軍大將軍錄尚書六
條事專政

丙午晉桓溫伐蜀漢李勢平李奔改元嘉寧涼張駿卒
子重華繼改元永樂趙石虎攻涼金城

丁未晉桓溫滅蜀徙李勢于建康蜀復亂范賁稱帝成
都涼張重華敗石虎于枹罕

戊申晉桓溫為征西大將軍入長安至于灞上遼東慕容皝卒子雋繼趙石虎攻晉竟陵

己酉晉平蜀亂鮮卑慕容皝稱王遼東國曰燕元曰燕元是謂前燕趙石虎稱帝改元太寧虎卒子世繼張豺為相專制內難作石遵自關右入殺世及張豺代立石冰自薊門入殺遵不克石閔殺遵立石鑒改元青龍閔稱大將軍專政苻洪稱兵廣川

庚戌趙石鑒殺大將軍閔及李農不克閔殺鑒代立復

姓冉氏改國曰魏元曰永興大滅石氏宗室鑒弟
祇稱帝襄國以將劉顯南攻冉氏不克殺祇以降
閔破襄國誅顯滅其族將苻健自枋頭入關逐杜
洪于長安據之將魏統以兗州冉遇以豫州樂引
以荊州鄭系以洛州入于晉劉淮以幽州入于燕
燕南略地至幽冀

辛亥趙將周成以廩丘高昌以野王樂立以許昌李歷
以衛州請附于晉劉啓姚弋仲亦奔于晉魏冉閔

攻燕不利死國亡石虎將苻健稱天王于長安國
曰秦元曰皇始是謂前秦敗晉軍于五丈原燕慕
容雋南伐魏滅冉閔于昌城

壬子晉武陵王晞為太宰會稽王昱為司徒大將軍桓
溫為太尉魏冉智以鄴降燕慕容容雋稱帝自和龍
徙居中山改元元璽秦苻健稱帝長安

癸丑涼秦相攻涼張重華卒子曜靈繼伯父祚殺曜靈
代立改元和平

甲寅晉太尉桓溫伐秦至灞上秦苻健敗晉軍于白鹿原又敗之于子午谷

乙卯晉將段龕敗燕軍于狼山右軍王羲之辭官歸涼宋混張瓘殺張祚立曜靈弟元靚改元大始燕南攻晉不利秦苻健卒子生繼

丙辰晉桓溫敗姚襄軍于伊水遂復洛陽秦苻生改元壽元

丁巳晉改元升平帝加元服王彪之為左僕射燕改元

光壽自中山徙都鄴秦苻生虐用其人雄子堅殺
生代立去帝號稱天王改元永興以王猛呂婆樓
強汪梁平老為之輔

戊午晉將馮騫以衆入于燕燕拔晉上黨

己未晉伐燕不利燕敗晉于東阿秦改元甘露以王猛
為中書令尹京兆

庚申晉仇池公楊駿卒子世繼燕慕容雋卒子暕繼改
元建熙慕容恪為太宰專政慕容評為太傅慕容

根為太師慕容垂為河南大都督根作逆伏誅

辛酉晉穆帝終立成帝子瑯琊王丕是謂哀帝

壬戌晉改元隆和燕師攻晉洛陽

癸亥晉改元興寧桓溫為大司馬假黃鉞都督中外軍

事北伐涼張天錫殺元靚代立改元太清燕將慕容

容評攻晉許昌

經世之寅二千二百四十七

甲子東晉哀帝三年餌丹有疾太后稱制燕秦入寇洛

陽

乙丑晉哀帝終于餌丹母弟瑯琊王奔立洛陽陷于燕
司馬勲以梁州叛稱成都王秦改元建元匈奴左
右賢王以朔方叛平之

丙寅晉改元太和會稽王昱為丞相燕秦入寇涼張天
錫受晉命大將軍都督隴右燕拔晉魯郡秦拔晉
南鄉

丁卯燕攻晉竟陵秦攻晉涼州

戊辰秦苻雙以上邽苻柳以蒲阪叛王猛悉平之

己巳晉大司馬桓溫北伐燕不利歸罪袁真袁真以壽陽入于燕燕大將慕容垂敗晉師于枋頭以衆降秦評害功故也秦救燕有功取燕之金墉責無信也

庚午晉壽陽袁真卒子瑾繼桓溫敗瑾于壽陽廣漢及成都寇亂王猛滅燕于鄴徙慕容暉于長安收郡五十七猛留鎮鄴

辛未晉桓溫平壽陽獲袁瑾以歸廢其君奔為海西王立
會稽王昱改元咸安是謂文帝溫稱丞相鎮姑熟
專制殺太宰武陵王晞新蔡王晃仍降海西王為
公及害其二子與母

壬申晉命百濟餘句為鎮東將軍領樂浪守庾希以海
陵叛入于京口文帝昱終子曜嗣是謂武帝桓溫
還姑熟秦王猛平慕容桓于遼東滅仇池公楊纂
于秦州

癸酉晉改元寧康大司馬桓溫卒太后稱制王彪之為
尚書令謝安為尚書僕射專制張天錫貢方物秦
拔晉成都及梓潼

甲戌晉桓石破秦軍于墊江張育稱王于蜀秦復平之
乙亥秦大將軍王猛卒

丙子晉改元太元加元服皇太后委政桓冲桓豁為將
軍謝安為尚書鑒錄尚書事秦滅前涼徙張天錫
于姑臧又平朔方獲拓拔什翼犍徙之長安

丁丑晉秦二國抗衡天下

戊寅晉作新宮

己卯晉敗秦軍于淮南遂拔秦襄陽

庚辰晉李遜以交趾叛秦苻洛以和龍叛

辛巳晉謝石為尚書僕射桓石攻秦有功四夷六十二

國脩貢于秦

壬午

癸未晉伐蜀敗秦軍于武當秦苻堅舉國南伐晉謝安

帥謝琰謝元桓冲桓伊大敗秦師于淝水進圍洛陽秦苻堅喪師壽陽秦苻融没于戰諸將咸叛慕容垂稱王滎陽北居中山國曰燕元曰燕元是謂後燕攻苻丕于鄴丁零翟斌以行唐叛仇池公楊世入于晉

甲申晉假謝安黃鉞都督軍事鎮廣陵領荆江十五州復襄陽秦苻朗以青州降秦苻堅來乞師遣劉牢之救鄴秦將姚萇稱王萬年國曰秦元曰白雀是

謂後秦慕容冲稱王阿房慕容泓稱王華池慕容永稱王長子呂光稱王酒泉苻冲稱兵進逼長安燕北伐高句麗復遼東故也

乙酉晉謝安救秦至于長安復洛陽而還卒秦苻堅沒于姚萇子丕自鄴攻晉陽稱帝改元太安慕容冲屠長安秦將乞伏國仁稱牧秦河二州國曰秦元曰建義是謂西秦燕慕容垂南平鄴徙都之秦姚萇獲苻堅于五將山歸殺之于新市是年冒頓拓

拔什翼珪稱王定襄之成樂國曰魏元曰登國是
謂後魏道武皇帝

丙戌秦苻丕為慕容永所敗走晉東垣為晉將馮該所
殺其衆奔杏城苻登稱帝于隴東改元太初苻堅
將呂光稱牧姑臧國曰涼元曰太安是謂後涼燕
慕容垂稱帝于鄴改元建興慕容冲為將段隨韓
延所害其衆奔垂慕容永稱帝長子秦姚萇稱帝
徙居長安改元建初

丁亥晉以子德宗為太子敗翟遼于洛口秦苻登東攻姚萇封乞伏國仁為苑川王

戊子秦苻登攻姚萇不利秦乞伏國仁卒弟乾歸立稱河南王改元太初徙都金城

己丑晉陸納為尚書令彭城妖賊亂翟遼圍滎陽秦姚萇西攻苻登涼呂光稱三河王改元麟嘉

庚寅晉敗翟遼于滑臺永嘉寇亂秦苻登攻姚萇不利辛卯晉王珣為左僕射謝琰為右僕射

壬辰晉蔣詡以青州亂慕容垂平丁零翟釗于滑臺西
秦乞伏乾歸開地至巴及隴

癸巳秦苻登攻姚萇不利秦姚萇卒子興繼去帝稱王
經世之卯二千二百四十八

甲午東晉孝武帝二十二年後魏道武皇帝十年秦苻
登攻姚興不利戰死子崇立奔湟中稱帝改元延
初為乞伏乾歸所滅燕慕容垂平慕容永于長子
秦姚興復稱帝魏里改元皇初涼呂光徙居樂都

乙未燕慕容垂攻魏不利魏破燕師于參合陂

丙申晉武帝泛舟于泉池沒太子德宗嗣位是謂安帝

會稽王道子專政燕慕容垂拔魏平城垂卒于上

谷子寶繼改元永康太原陷于魏魏拔燕并州圍

中山稱帝改元皇始涼呂光稱天王改元龍飛

丁酉晉改元隆安兖州王恭豫州庾楷吳郡王欽各以

城叛燕慕容寶北走龍城慕容詳稱帝中山慕容

麟殺詳代立慕容德自丁零入又殺麟代立徙居

鄴中山陷于魏呂光寇西秦自金城復徙居苑川
涼呂光將禿髮烏孤稱王廩川國曰涼元曰太初
是謂南涼涼呂光將沮渠蒙遜立段業為牧于張
掖國曰涼元曰神璽是謂北涼

戊戌晉北伐燕師敗于管城兖州王恭豫州庾楷荊州
殷仲堪廣州桓玄兵犯建業敗內師于白石假會
稽王道子黃鉞玄師敗走潯陽杜弔以京口亂燕
慕容寶南伐至于黎陽乃復將蘭汗殺寶代立于

龍城稱昌黎王改元青龍寶子盛誅蘭汗稱王改
元建平稱帝再改元長樂鄴陷于魏范陽王慕容
德自鄴南走滑臺稱王改元年是謂南燕魏拔燕
之鄴及信都改元天興自盛樂徙居平城涼禿髮
烏孤克金城敗呂光于街亭稱武威天王

己亥秦姚興拔晉洛陽燕慕容德拔晉青州仇池楊盛
稱藩于晉妖賊孫恩陷晉會稽晉謝琰劉牢之往
伐劉裕始叅軍政秦姚興去帝號稱王改元洪始

魏南攻滑臺涼呂光傳子紹位稱太上皇光卒兄
纂殺紹代立涼禿髮烏孤徙居樂都烏孤卒弟利
鹿孤立又徙居西平仍附于姚興涼段業稱天王
改元天璽大將沮渠蒙遜出守西安燕慕容德逐
辟閭渾于廣固徙居之滑臺沒于魏

庚子晉司馬劉裕敗孫恩于臨海以揚州元顯為十六
州都督燕慕容盛去帝號稱庶人天王破高句麗
秦姚興破西秦俘其王乞伏乾歸于長安涼呂纂

改元咸寧大司馬呂宏殺篡不克涼利鹿孤改元
建和涼將李暭稱牧秦州國曰涼元曰庚子是謂
西涼燕慕容德稱帝廣固改元建平

辛丑晉平孫恩劉裕出守下邳燕慕容盛將段璣行殺
盛叔父熙誅璣稱帝改元光始秦姚興放乞伏乾
歸還苑川涼呂超殺其君纂立其兄隆改元神鼎
稱藩于姚興涼禿髮利鹿孤稱河西王涼大將沮
渠蒙遜自西安入殺段業代立改元永安

壬寅晉改元元興桓玄據荊州建牙夏口假揚州元顯
黃鉞顯軍敗玄入于建業稱侍中丞相錄尚書事
又稱太尉總百揆乃殺都督元顯及會稽王道子
以瑯琊王德文為太宰改元大亨劉軌以冀州叛
秦姚興伐呂光有功拒魏不利魏敗秦軍于蒙坑
涼禿髮利鹿孤卒弟傉檀立改元弘昌徙居樂都
涼沮渠蒙遜稱藩于姚興

癸卯晉加桓玄九錫稱相國楚王用天子器服玄竊命

徙其帝于永安宮降為平固王遷之潯陽改國曰
楚元曰光始

甲辰晉帝在潯陽劉裕唱義帥沛國劉毅東海何無忌
二州兵大破桓玄兵于京口又敗玄將桓宏于廣
陵吳甫之于江乘皇甫敷于羅落玄逼帝走江陵
裕又敗玄兵于湓口玄復逼帝東下裕又敗玄兵
于崢嶸洲又破之于覆舟山迎帝入江陵玄敗死
于枚洄洲其將桓振復陷江陵幽帝譙縱以成都

叛稱王秦姚興入十二郡脩貢于晉魏改元天錫
涼呂隆奔姚興國亡涼儔檀去王號求姑臧于姚
興燕慕容德卒兄之子超立

乙巳晉平桓振帝自江陵還建業改元義熙劉裕都督
中外錄尚書事還鎮丹徒涼儔檀受姚興命徙姑
臧燕慕容超改元太上涼李暠徙居酒泉改元建
初稱藩于晉

丙午晉伐蜀敗譙縱于白帝孔安國為尚書左僕射大

將軍劉裕開府京口仇池楊盛稱藩燕慕容超三
將奔晉燕慕容熙將馮跋殺熙立慕容雲復姓高
氏稱王改元正始秦姚興將赫連勃勃稱天王于
朔方國曰夏元曰龍昇

丁未晉劉裕入朝殺東陽太守殷仲文南蠻校尉殷叔
文晉陵太守殷道叔永嘉太守駱求姚興攻禿髮
僂檀及赫連勃勃乞伏乾歸復稱王苑川改元更
始涼禿髮僂檀攻沮渠蒙遜及赫連勃勃

戊申晉劉裕入總朝政北敗慕容超于臨朐出大峴進

圍廣固魏國亂后萬人同子申殺其君珪次子紹

誅萬人及申自立是謂明帝

魏史云賀大人及子如弒珪

秦乾

歸南攻姚興涼僭檀復稱王姑臧改元嘉平夏勃

勃南攻姚興

己酉晉劉裕滅南燕徙慕容超于建業後燕國亂苻將

馮跋用幸臣離班殺雲代立稱天王改元太平是

謂北燕魏改元永興秦乾歸平抱罕夏赫連勃勃

攻姚興

庚戌晉始興賊盧循兵寇建業劉裕大破之循走潯陽
再破之于豫章裕假黃鉞蜀兵陷巴東秦乞伏乾
歸為兄之子公府所殺子熾磐誅公府而自立改
元永康涼沮渠蒙遜攻李暠有功夏赫連勃勃攻
姚興不利

辛亥晉劉裕南敗盧循盧循走交州死劉毅以江陵叛
涼沮渠蒙遜攻禿髮傉檀有功夏赫連勃勃攻姚

興不克

士子晉劉裕殺劉藩及謝琨遂平劉毅于江陵涼僞檀
徙居樂都姑臧陷于沮渠蒙遜涼蒙遜拔禿髮僞
檀姑臧徙居之稱西河王改元弘始

癸丑晉朱齡石平蜀魏改元神瑞與秦姚興和親秦熾
磐破土谷渾于澆河涼僞檀攻蒙遜不利夏改元
鳳翔築統萬城

甲寅秦乞伏熾磐滅南涼禿髮僞檀

乙卯晉荊州刺史司馬休之雍州刺史魯宗之叛裕攻破之逐之于江陵劉穆之為尚書左僕射秦姚興卒子泓繼弟弼作亂不克魏改元太常

丙辰晉劉裕北伐姚泓拔洛陽進逼潼關加裕九錫總百揆封宋國公秦姚泓改元永和洛陽陷于晉姚懿姚恢內叛兵逼長安姚紹平之秦乞伏熾磐拔沮渠蒙遜河湟夏赫連勃勃拔姚泓陰密

丁巳晉劉裕平長安滅後秦執姚泓以歸以子義真守

長安裕加宋王魏南攻晉兵敗于河西涼李暠卒
子歆立改元嘉興

戊午晉劉裕弑其君德宗立其弟瑯琊王德文是謂恭
帝長安陷于夏涼李歆稱藩于晉夏赫連勃勃拔
晉之長安稱帝改元昌武

己未晉改元元熙宋王劉裕自揚州入用天子服器秦
乞伏熾磐改元建弘夏赫連勃勃還居統萬改元
真興

庚申劉裕代晉命于揚州是謂武帝改國曰宋元曰永
初降其君德文為零陵王

辛酉宋零陵王德文卒

壬戌宋武帝劉裕終子義符繼魏攻宋滑臺

癸亥宋改元景平魏攻宋金墉明帝終太子燾繼是謂

太武皇帝涼沮渠蒙遜滅西涼執李歆歸于姑臧

經世之辰二千二百四十九

甲子宋帝義符二年臣徐羨之傅亮行弒立其弟義隆

是謂文帝還都建業改元元嘉魏太武元年改元
始光

乙丑魏武帝以崔浩為相赫連勃勃卒子昌繼改元承
光

丙寅宋文帝誅執政徐羨之及傅亮謝晦以荊州叛平
之魏拔夏之長安

丁卯魏西破夏赫連昌

戊辰魏改元神廌武帝破夏于統萬俘赫連昌以歸西

北開地三千里秦乞伏熾磐卒子暮末繼改元永
弘涼沮渠蒙遜改元承玄夏之統萬陷于魏弟定
代立徙居平涼改元始光

巳巳

庚午宋之金墉陷于魏燕馮跋卒弟弘殺跋子翼代立
改元太興魏拔宋洛陽涼沮渠蒙遜改元義和夏
赫連定攻秦暮末

辛未宋之滑臺陷于魏夏滅西秦于苑川俘其君乞伏

暮末魏滅夏于平涼俘其君赫連定

壬申宋謝靈運棄市于廣州魏改元延和遼西內附

癸酉宋謝惠連卒涼沮渠蒙遜卒子牧犍繼改元永和

甲戌魏南開地至漢中

乙亥魏改元太延

丙子宋誅檀道濟魏滅北燕虜馮弘于遼西

丁丑

戊寅

已卯魏伐北凉于姑臧獲沮渠牧犍以歸

庚辰魏改元太平真君與宋稱南北朝

辛巳

壬午

癸未魏克仇池

甲申

乙酉

丙戌魏毀經像佛教

丁亥魏城長安

戊子

己丑

庚寅魏南伐開地江淮夷宰相崔浩三族

辛卯魏改元正平伐宋至于瓜步

壬辰魏國亂中常侍宗愛弒其君武帝立南安王余改

元承平又殺之羣臣迎武帝孫濬立之是謂文成

皇帝改元興安夷宗愛三族元壽樂為太宰都督

中外錄尚書官

癸巳宋國亂太子劬弑其君文帝代立改元太初少子
武陵王駿稱帝新亭克建康誅元凶改元孝建是
謂孝武皇帝

經世之已二千二百五十

甲午宋孝武皇帝二年魏文成皇帝三年改元興光

乙未魏改元太安

丙申

丁酉宋改元大明

戊戌

己亥

庚子魏改元和平

辛丑

壬寅

癸卯

甲辰宋孝武帝終太子業嗣位改元景和

乙巳宋改元永光業立不明臣壽寂殺之迎湘東王或
立之改元太始是謂明帝魏文成帝終太子弘嗣
位是謂獻文皇帝

丙午宋晉安王子勛以潯陽叛稱帝平之冊子昱為太
子魏師入寇魏改元天安盡取宋江北地大丞相
乙渾謀逆伏誅

丁未魏改元皇興

戊申

巳酉魏拔宋青州

庚戌

辛亥魏獻文授太子宏位是謂孝文皇帝弘稱太上皇

改元延興

壬子宋改元太豫明帝大道死太子昱立

癸丑宋改元元徽

甲寅宋桂陽王休範以江州叛兵犯建業右衛將軍蕭

道成平之

乙卯魏改元承明

丙辰宋建平王景素謀殺蕭道成不克道成為司空錄
尚書事魏太后馮氏弑太上皇

丁巳宋國亂蕭道成殺其君昱廢為蒼梧王立明帝子
準改元昇明道成假黃鉞稱齊國公專制改元太
和

戊午

己未宋相國蕭道成稱王是年代宋命于建業改國曰

齊元曰建元是謂太祖以子蹟為皇太子降其君
準為汝陰君殺之

庚申

辛酉

壬戌齊高帝道成終太子蹟嗣位是謂武帝以子懋為
太子攻魏淮南

癸亥齊改元永明

經世之午二千二百五十一

甲子齊武帝二年魏孝文帝十三年

乙丑

丙寅

丁卯

戊辰

巳巳

庚午

辛未

壬申魏伐蠕蠕

癸酉齊武帝終太子懋再卒其孫昭業立

甲戌齊改元隆昌五月西昌王蕭鸞行弑廢其君為鬱林王立其弟昭文改元延興鸞假黃鉞稱宣城王都督中外專制十月宣城王蕭鸞廢昭文為海陵王殺之代立是謂明帝改元建武以子寶卷為太子魏大伐齊

乙亥齊大殺宗室是年魏自平城徙都洛陽用中國禮

樂

丙子魏改姓元氏

丁丑

戊寅齊改元永泰明帝鸞終太子寶卷嗣位魏伐齊拔

新野

己卯齊改元永元以子誦為太子魏孝文帝終太子恪
嗣位是謂宣武皇帝彭城王勰受顧命輔政

庚辰齊崔惠景以廣陵叛兵犯建業蕭懿平之寶卷殺

卷六
懿蕭衍稱兵襄陽蕭穎胄稱兵荊州魏改元景明
彭城王勰拔齊壽春

辛巳齊蕭衍立南康王寶融于江陵以兵圍臺城國人
殺寶卷而入寶融于建業是謂和帝改元中興衍
稱相國司空假黃鉞錄尚書事專制廢寶卷為東
昏侯蕭寶寅奔魏

壬午齊蕭衍被九錫封梁王四月衍代齊命于建業是
謂武帝改國為梁元曰天監以子統為皇太子降

其君寶融為巴陵王殺之于姑熟

癸未

甲申魏改元正始

乙酉

丙戌

丁亥東西夷四十國脩貢于魏

戊子魏改元永平殺太師元勰

己丑戎夷二十四國脩貢于魏

庚寅

辛卯東西夷二十九國脩貢于魏

壬辰魏改元延昌

癸巳

經世之末二千二百五十二

甲午梁武帝十三年魏武帝十五年

乙未魏宣武終太子詡嗣位是謂孝明皇帝太后胡氏

稱制劉騰元義為輔相

丙申魏改元熙平

丁酉

戊戌魏改元神龜

巳亥

庚子梁改元普通魏改元正光幽靈太后胡氏于北宮

辛丑

壬寅

癸卯

甲辰

乙巳魏改元孝昌相劉騰元义罪免為庶人迎太后胡氏于北宮還政中山上谷彭城寇亂

丙午

丁未梁帝闡没身于同泰寺改元大通魏諸都寇亂

戊申魏改元武泰太后胡氏殺其帝詔立無名子大都督爾朱榮自太原入殺無名子及太后胡氏諸王貴臣于河陰得長樂王攸是謂莊帝改元建義又

改元永安榮都督中外諸軍事稱太原王還晉陽
專制

己酉梁改元中大通闡復沒身于同泰寺羣臣以錢億
萬購衍還政元顥自梁入洛稱帝改元建武徙攸
于河北爾朱榮自晉陽入逐元顥迎攸返政

庚戌魏帝攸殺爾朱榮于洛陽宮爾朱兆自晉陽入徙
攸于河東殺之爾朱世隆立長廣王曄于長子改
元建明

辛亥梁昭明太子統卒晉安王綱為太子魏爾朱兆廢
暉立廣陵王子恭于洛陽是謂節愍改元普泰還
鎮晉陽冀州刺史高歡稱兵信都立章武王子渤海
太守朗于信都改元中興歡稱丞相

壬子魏高歡據鄴叛爾朱兆于韓陵西平并州南入
洛廢恭殺之又廢朗于河陽殺之立平陽王脩于
洛陽改元太昌再改元永熙還鎮鄴專制爾朱兆
走秀容死脩立是謂武帝

癸丑魏高歡平爾朱氏

甲寅魏高歡之洛帝脩西走長安歡立清河王子善見
是謂靜帝改元天平徙洛陽四十萬戶于鄴都之
是謂東魏歡鎮太原都督中外專制宇文泰廢脩
于長安殺之立南陽王寶炬是謂文帝改元大統
是謂西魏泰都督中外專制

乙卯梁改元大同

丙辰侯景為東魏右僕射南行臺

丁巳西魏宇文泰大破東魏高歡軍于沙苑

戊午東魏改元元象高歡大破西魏宇文泰兵于洛陽
己未東魏改元興和

庚申

辛酉

壬戌

癸亥東魏改元武定高歡大破西魏宇文泰軍于邙山

遂拔洛陽

經世之申二千二百五十三

甲子梁武帝四十三年西魏文帝十一年東魏靜帝十一年

乙丑

丙寅梁武帝三失身于同泰改元中大同羣臣及皇太子畢會于同泰是夜同泰大火

丁卯梁改元太清東魏渤海王高歡卒于晉陽子澄繼事侯景以河南十三州叛慕容紹宗敗侯景于長

社景南走壽春附于梁封為河南王

戊辰侯景兵犯梁建業立蕭正德于南關

己巳侯景破梁臺城殺衍立太子綱是謂文帝景稱大
丞相都督中外軍事專政湘東王繹開府江陵將
王僧辯陳霸先率兵討侯景東魏盜殺高澄于晉
陽弟洋自鄴還晉陽繼事

庚午梁改元太寶侯景稱相國漢王逼綱走西州西魏
拔梁之安陸取漢中地東魏高洋入總百揆進爵

為齊王五月洋代東魏命是謂宣帝改國為齊元
曰天寶降其君善見為中山王

辛未侯景廢梁帝綱又殺之立豫章王棟改元天正又
廢之代立改國為漢元曰太始西魏文帝寶炬卒
子欽繼

壬申梁湘東王繹平侯景使將朱買臣殺棟稱帝江陵
是謂元帝改元承聖以陳霸先為征北大將軍王
僧辯為揚州刺史武陵王紀稱帝成都年用天正

西魏稱元年

癸酉梁平武陵王于蜀西魏宇文泰殺尚書元烈

甲戌梁蕭詧引西魏兵陷江陵殺繹及諸王大將軍陳

霸先揚州刺史王僧辯立繹之子晉安王方智于

潯陽是謂恭帝還都建業王僧辯為太尉居內陳

霸先為司空鎮丹徒西魏宇文泰弑其君欽立齊

王廓改元元年泰用蕭詧南征拔江陵殺繹徙其

民于長安

乙亥梁貞陽侯蕭明自齊入至東關太尉王僧辯拒之
不勝遂迎蕭明入建業立之降方智為太子改元
天成司徒陳霸先自丹徒入殺王僧辯廢蕭明為
司徒封建安公復立方智改元紹泰霸先為尚書
都督中外專制是年蕭譽稱帝江陵改元大定北
附于宇文氏是謂後南梁

丙子梁改元太平陳霸先稱相國敗齊軍于江上西魏
宇文泰卒子覺繼事是年覺代西魏命于長安是

謂閔帝改國為周是謂後周元稱元年降其君廓
為宋國公

丁丑相國陳霸先進爵為陳王十月陳霸先代梁命于
建業是謂武帝改國為陳元曰永定降其君方智
為江陰王周亂宇文護殺其君覺立宇文毓是謂
明帝稱元年護為太宰專制

戊寅梁蕭莊以郢州稱帝救援于齊

己卯陳武帝霸先殂兄臨川王蒨立是謂文帝以子伯宗

為太子周宇文毓稱天王改元武成齊宣王洋卒
子殷繼于晉陽以諸父演為太師湛為司馬元氏
宗室無少長皆殺之投于漳水

庚辰陳改元天嘉周亂宇文護弑其君毓立其弟邕是
為武帝齊改元乾明太師高演弑其君殷代立是
謂昭帝改元皇慶

辛巳周改元保定齊帝演卒于晉陽大司馬湛立改元
大寧是謂武成

壬午齊改元清河還都鄴後南涼蕭詧卒子歸繼改元

天保

癸未

甲申周齊戰于洛陽

乙酉齊高湛傳子緯位改元天統

丙戌陳改元天康文帝禕終太子伯宗嗣位庶兄頊錄

尚書都督中外軍事專制周改元天和

丁亥陳改元光大

戊子陳亂安成王陳頊弒其君伯宗代立是謂宣帝

己丑陳改元太建以子叔寶為太子

庚寅齊改元武平

辛卯

壬辰陳將吳明徹伐齊有功周襲封李淵為唐國公誅

太宰晉公護改元建德

癸巳陳伐齊有功

經世之酉二千二百五十四

甲午陳宣帝頊七年周武帝邕十五年齊武帝緯十年
後南梁蕭巋十二年

乙未周大伐齊圍其晉州及洛陽

丙申周拔齊平陽及晉陽齊拒周不利晉州陷于周緯
走并州周圍并州緯走鄴改元隆化兄德王延宗
稱帝并州改元建德并州又陷于周

丁酉周軍圍齊之鄴緯傳子恒位改元承光緯走青州
恒又禪丞相任城王湝稱守國天王鄴又陷于周

國遂亡緯亦就禽于青州

戊戌周改元宣政帝邕卒于伐齊子贇繼是謂宣帝以
楊堅為上柱國大司馬都督揚州改元天成

己亥陳將吳明徹伐周不利于呂梁淮南之地盡沒于
周周帝贇傳子闡位是謂靜帝贇稱天元大帝改
元大象

庚子周大帝贇終大司馬楊堅自揚州入繼朝政假黃
鉞都督中外軍事專制堅召宇文宗室在蕃者六

王至長安皆殺之天下兵起尉遲迴稱兵相州宇文胄稱兵滎州石遜稱兵建州席毗稱兵沛郡席義羅稱兵兗州王謙稱兵益州堅悉平之進爵為隋王用天子服器鄖州蕭難以八州入于陳

辛丑周改元大定是年隋王楊堅代後周命于長安是謂文帝改國曰隋元曰開皇以高穎虞慶則李德林康世康暉元巖長孫毗楊尚希楊惠十人為之輔冊妃獨孤氏為皇后子勇為太子廣為晉王降

其君闢為介國公殺之

壬寅陳宣帝頊終子叔寶繼是謂後主隋起新宮于龍

首崗

癸卯陳改元至德隋徙居新宮

甲辰後南梁蕭巋朝隋

乙巳後南梁蕭巋卒子琮繼

丙午隋成國公梁士彥杞國公宇文忻舒國公劉昉謀

興復不克伏誅梁蕭琮改元廣運

丁未陳改元禎明梁蕭琮納國于隋太傅安平王蕭巖
荊州刺史蕭瓛降于陳

戊申隋命晉王廣秦王俊清河公揚素督總管九十兵
五十一萬為八路大伐陳以壽春為行臺府

己酉隋師滅陳以陳後主叔寶歸于長安

庚戌蘇越饒泉婺樂安蔣山永嘉餘杭交趾未服楊素
悉平之

辛亥

壬子

癸丑

甲寅東巡封泰山

乙卯

丙辰

丁巳

戊午伐高麗無功

己未

庚申廢太子勇冊晉王廣為皇太子

辛酉改元仁壽命十六使巡行天下

壬戌命七大臣定禮

癸亥

經世之成二千二百五十五

甲子隋文帝二十四年皇太子廣行弒于仁壽宮代立

是謂煬帝是年幸洛陽建東都于郊鄴以洛州為

豫州

乙丑改元大業冊妃蕭氏為皇后子晉王昭為皇太子
以宇文述為左衛大將軍郭衍為左武衛大將軍
于仲文為右武衛大將軍尚書令楊素為太子太
師安德王雄為太子太傅河間王宏為太子太保
遵河由汴渚達于淮謂之通濟渠幸東都

丙寅幸江都還次東都太子昭卒封孫侗為越王侑為
代王浩為秦王

丁卯還長安北巡榆林作宮于晉陽光祿賀若弼禮部

郎宇文弼太常卿高顯伏誅西北大築亭障

戊辰北巡五原作宮于汾陽遵河由清水達于海謂之
永濟渠引沁水南達于河北通涿郡

己巳西幸河右征吐谷渾至于覆袁

庚午南幸江都

辛未北幸涿郡

壬申以兵百一十三萬三千八百為二十四軍分左右
道大伐遼東不利全陷九軍

癸酉以代王侑留守長安越王侗留守東都秦王浩從
駕征遼東復大集兵于涿郡天下羣盜起楊玄感
以本兵叛于黎陽

甲戌高麗請降乃班師扶風盜稱帝延安寇稱王離石
賊稱天子

乙亥北巡至于雁門為突厥所圍

丙子南達江都羣盜李密稱兵河南竇建德稱兵河北
林士弘稱兵江南徐圓朗稱兵東山劉武周稱兵

代北薛舉稱兵隴右

丁丑煬帝在江都唐公李淵自晉陽入立代王侑于長安以江都帝為太上皇改元義寧淵稱唐王專制羣盜竇建德稱王河北李密進據興洛稱公國曰魏元曰永平薛舉稱帝隴右國曰秦元曰秦興梁師都稱兵夏州李軌稱兵涼州蕭銑稱兵巴陵李子通稱兵海陵朱粲稱兵寇車沈法興稱兵毗陵杜伏威稱兵歷陽

戊寅五月唐王李淵代隋命于長安是謂神堯皇帝改
國曰唐元曰武德以裴寂劉文静為輔相世子建
成為皇太子次子世民為秦王降其君為鄴國公
是年宇文化及弒煬帝于江都立秦王浩為主化
及稱王專制北轉至魏州化及又殺浩代立稱帝
國曰許元曰天壽又北走聊城王世充立越王侗
于東都改元皇泰世充稱鄭王專制羣盜竇建德
進有河北都樂壽隴右薛舉卒子仁果立劉武周

進有河東稱帝國曰漢元曰天興梁師都進有朔
方稱帝國曰梁元曰永隆李軌進有河右稱帝國
曰涼元曰安樂蕭銑進有江南及潁表稱帝國曰
梁元曰鳴鳳李子通進有江都稱帝國曰吳元曰
明政朱粲進有山南稱帝國曰楚元曰昌達沈法
興進有江東稱王國曰梁元曰延康林士弘稱帝
虔州國曰楚元曰太平杜伏威進有淮南受唐封
楚王秦王平隴右獲薛仁果

已卯唐秦王平河右獲李軌李密與王世充相攻不利
奔唐復叛死于桃林將徐世勣以河南十郡降竇
建德滅宇文文化及于聊城自樂壽徙于洛南有黎
陽之地稱國曰夏元曰五鳳蕭銑滅林士宏于虔
州杜伏威南保江都李子通西保江陵王世充殺
越王侗于東都稱帝國曰鄭元曰開明朱粲降于
唐復殺唐使者奔王世充

庚辰唐秦王平河東劉武周走突厥李子通滅沈法興

于江東徙居餘杭工部尚書獨孤懷恩以謀逆伏
誅

辛巳唐秦王平河南河北獲王世充及竇建德以歸杜
伏威李子通于餘杭竇建德故將劉黑闥復稱兵
河北

壬午唐李靖滅蕭銑于金陵江南及額表平

癸未唐秦王平河北獲劉黑闥又平徐圓朗于曹州江
淮杜伏威來朝其將輔公祐稱王丹陽徙國曰宋

甲申唐李靖平輔公柘于江淮

乙酉唐加秦王中書令

丙戌皇太子建成齊王元吉作難殺秦王不克秦王以
長孫無忌尉遲敬德侯君集張公謹王君廓房玄
齡杜如晦長孫順德柴紹羅藝劉師元李世勣劉
宏基王孝公平之于玄武門帝乃授秦王世民位
退居太安宮稱太上皇高士庶為侍中房玄齡為
中書令蕭瑀為尚書右僕射

丁亥改元貞觀尚書封倫卒蕭瑀為左僕射長孫無忌
為右僕射

戊子平梁師都于朔方

己丑相裴寂以罪免房玄齡為尚書左僕射杜如晦為
尚書右僕射李靖為兵部尚書魏徵守祕書監參
預朝政

庚寅李靖平突厥獲頡利可汗戴胄蕭瑀參預朝政溫
彥博為中書令

辛卯春大蒐于昆明冬幸溫湯

壬辰祀南郊

癸巳魏徵為侍中頒新定五經于天下

經世之亥二千二百五十六

甲午唐廣孝皇帝九年

乙未李靖平吐谷渾獲其王放

闕

太上皇崩于太

安宮葬高祖于獻陵

丙申魏徵遷特進溫彥博遷右僕射

丁酉幸洛陽宮

戊戌高士廉為右僕射

己亥幸九成宮荒服十國來脩貢

庚子侯君集平高昌獲其王以歸弘化公主嬪于吐谷

渾至日圓丘祀昊天上帝

辛丑幸洛陽文成公主嬪于吐蕃

壬寅幸岐陽

癸卯圖二十四功臣于凌烟閣內難作皇子齊王祐以

齊叛廢太子承乾為庶人徙之黔幽魏王泰于北苑役之均以晉王治為皇太子誅侯君集至日祀

南郊

甲辰秦文本馬周為中書令幸洛陽及親征遼東

乙巳平高麗

丙午李勣破薛延陀荒服十一國脩貢

丁未起翠微宮于終南山

戊申阿史那平龜茲獲其王以歸征松外蠻司空房玄

齡特進蕭瑀卒褚遂良為中書令

己酉帝崩于翠微宮皇太子治踐位葬太宗于昭陵長
孫無忌褚遂良輔政復李勣官仍加特進于志寧
張行成進侍中知政事

庚戌改元永徽褚遂良罷政

辛亥征賀魯至于金嶺至日有事于南郊

壬子冊陳王忠為皇太子韓瑗來濟為相宇文節為侍

中柳爽為中書令

癸丑駙馬都尉房遺愛柴令武薛萬徹荆王元景及二
公主以謀逆伏誅遂殺吳王恪褚遂良復為右僕
射睦州女寇亂

甲寅築長安羅城親謁昭陵

乙卯廢皇后王氏良姊蕭氏為庶人冊昭儀武氏為皇
后罷長孫無忌褚遂良政事以許敬宗李義府為
相武后殺庶人王氏蕭氏崔敦禮為中書令

丙辰廢皇太子忠為梁王冊代王宏為皇太子改元顯

慶杜正倫為相

丁巳幸許洛以洛陽為東都李義府進中書令許敬宗
進侍中貶相韓瑗來濟為州刺史

戊午蘇定方平賀魯獲其王

己未殺長孫無忌褚遂良于流所幸東都

庚申廢梁王忠為庶人蘇定方平百濟獲其王扶餘


辛酉改元龍朔

壬戌還長安建門下尚書中書為東中西三臺分侍中

皇極經世書卷六中

中書令為左右相造蓬萊宮許圜師為左相尋下
獄

癸亥起含元殿于蓬萊宮李義府為右相尋配流雋州
死改來年為麟德



欽定四庫全書

子部
皇極經世書卷六下

詳校官中書臣呂光復

靈臺郎臣倪廷梅覆勘

總校官編修臣王燕緒

校對官中書臣高 中

謄錄監生臣莊承箬

欽定四庫全書

皇極經世書卷六下

宋 邵雍 撰

觀物篇三十四 以運經世十

經元之甲一

經會之午七

經運之壬一百八十九

經世之子二千二百五十七

甲子唐弘孝皇帝十五年殺西臺侍中上官儀又殺庶

人忠于流所竇德元為左相劉祥道為右相

乙丑帝同皇后巡東海封泰山陸敦信為右相

丙寅帝同皇后至自泰山改元乾封劉仁軌為右相

丁卯禁工商乘馬戴至德李安期張文瓘並同東西臺

三品

戊辰李勣平高麗獲其王祀明堂改元總章

己巳帝同皇后幸九成宮郝處俊同東西臺三品李勣

卒

庚午改元咸亨薛仁貴征吐蕃不利

辛未帝同皇后幸東都及許昌皇太子弘監國中書令
閻立本黃門侍郎郝處俊從行

壬申帝及皇后至自東都

癸酉帝及皇后幸九成宮

甲戌皇后稱天后以帝為天皇改元上元帝同皇后幸
東都帝有疾

乙亥皇太子弘卒以雍王賢為皇太子

丙子帝及皇后自東都至改元儀鳳來恒薛元超李義
琰高智周並同中書門下三品李敬元劉仁軌為

中書令

丁丑

戊寅改來年為通乾

己卯甘露降改元調露帝同皇后幸東都裴行儉大伐
突厥

庚辰廢皇太子賢為庶人以英王哲為皇太子帝皇后

幸汝陽及嵩岳裴炎崔知溫王德真並同中書門下三品改元永隆帝及皇后至自東都

辛巳裴行儉平突厥獲其王伏念改元開耀裴炎進侍中崔知溫薛元超進中書令

壬午改元永淳帝及皇后幸東都起奉天宮于嵩之陽
劉景先郭待舉郭正一岑長倩魏元同並同中書門下平章事

癸未改元弘道帝崩于東都皇太子哲嗣位是謂昭孝

皇帝天后稱制劉仁軌進尚書左僕射岑長倩進
兵部尚書魏玄同進黃門侍郎劉齊賢進侍中裴
炎進中書令

甲申改元嗣聖天后廢帝為廬陵王遷之均立豫王旦
改元文明侍中裴炎進爵為侯王德真進侍中劉
禕之武承嗣進中書平章事葬高宗于乾陵再改
元光宅徐敬業以揚州叛南拔潤州平之殺宰相
裴炎又改來年為垂拱來俊臣周興大行誣構謂

之羅織

乙酉武后徙帝居房陵改中書門下為鳳閣鸞臺

丙戌蘇良嗣為文昌左相韋待賈為文昌右相並同鳳閣鸞臺三品

丁亥武后賜宰相劉禕之死張光輔為鳳閣侍郎

戊子武后稱聖母關東八王謀興復博州瑯琊王冲及父蔡州越王貞先發悉平之大夷王室

己丑武后改元永昌稱聖皇大殺王族又殺納言魏元

同及內史張光輔引王本立范履冰邢文偉為相
庚寅武后改元載初以建子月為歲首祀明堂以明空
為璽以詔為制大殺王族改國為周元曰天授稱
皇帝降豫王旦為皇嗣立武氏七廟封武氏三人
為王引傅游藝為相改魚為龜

辛卯武后祀明堂格輔元樂思晦並同鳳閣鸞臺平章
事歐陽通為納言殺宰相岑長倩格輔元及納言
歐陽通用狄仁傑為相

士辰武后祀明堂改元如意再改元長壽楊執柔崔元
綜李昭德姚璿李元素為相狄仁傑下獄

癸巳武后祀明堂稱金輪皇帝引豆盧欽望韋巨源陸
元方為相婁師德亦相

經世之丑二千二百五十八

甲午唐昭孝皇帝十一年在房陵武后祀明堂改元延
載引蘇味道王孝傑楊再思杜景儉李元素周允
元相繼為相

乙未武后改元證聖明堂火稱天冊再改元天冊萬歲
丙申武后封中岳改元萬歲登封祀明堂再改元萬歲
通天契丹李盡忠以孫萬榮叛陷營冀命二十八
將討之不利引王方慶李道廣為相

丁酉武后祀明堂河朔平再用婁師德為相魏王武承
嗣梁王武三思並同鳳閣鸞臺三品改元神功狄
仁傑杜景儉復相誅司業少卿來俊臣遂及內史
李昭德

戊戌武后祀明堂改元聖歷召帝于房陵返政突厥執
武延秀及行人間知微以破媯檀定趙用姚元崇

李嶠為相

己亥武后幸嵩山封皇嗣旦為相王引魏元忠吉顼為
相又引王及善豆盧欽望為左右相

庚子武后幸汝陽建三陽宮于嵩山之陽改元久視復
舊正朔張錫韋安石為相武三思為特進相吉顼
配流嶺表內史狄仁傑卒

辛丑改元大足武后幸嵩之三陽宮又改元長安李懷遠顧琮李迥秀為相

壬寅武后祀南郊

癸卯武后幸東都朱敬則為相

甲辰韋嗣立宗楚客崔元暉張柬之同平章事韋安石納言李嶠內史

乙巳武后改元神龍張柬之崔元暉桓彥範敬暉袁恕已平張易之及昌宗之亂徙武后于上陽宮除周

國號以相王旦為安國王太平公主為鎮國公主
賞定亂功也韋氏復正皇后位武三思進位司空
相武后崩于東都之上陽宮祝欽明唐休璟為相
丙午帝還長安附武后于乾陵以宮人上官婉兒為昭
容武三思居中用事封張東之桓彥範崔元暉袁
恕已敬暉五人為王尋貶為州司馬殺之于流所
進魏元忠李嶠為中書令李懷遠同中書平章事
冊衛王重俊為皇太子開長寧安樂二公主府大

行斜封墨制于惟謙為相蘇瓌進侍中

丁未李多祚以羽林兵誅武三思又殺皇后韋氏不克
敗死太子重俊出奔野死宗楚客紀處訥蕭至忠
為相改元景龍

戊申安樂公主假皇后車服出敕武延秀張仁亶為相
己酉作宮市韋嗣立崔湜韋溫鄭愔蘇瓌趙彥昭相繼
為相李嶠為特進

庚戌殺諫臣燕欽融于殿庭皇后韋氏及安樂公主行

弑于内寢立溫王重茂為嗣改元唐隆以裴談張
錫張嘉福岑羲為相臨淄王隆基以劉幽求薛崇
簡鍾紹京麻嗣元兵入誅韋溫紀處訥宗楚客武
延秀馬秦客葉靜能趙履冰楊均及皇后韋氏安
樂公主上官昭容葬中宗于定陵臨淄王隆基稱
平王降重茂嗣尊父相王旦為帝是謂興孝皇帝
既踐位以鍾紹京劉幽求薛崇簡崔日用為相冊
平王隆基為皇太子改元景雲追廢皇后韋氏安

樂公主為庶人姚元之為相

辛亥皇太子隆基監國郭元振張說竇懷貞陸象先魏知古為相劉幽求進侍中相

壬子祀南郊改元太極祀北郊改元延和帝傳位于皇太子隆基是謂明孝皇帝既踐位改元先天黜劉幽求鍾紹京張暉官

癸丑太平公主竇懷貞岑羲蕭至忠常元楷薛稷賈膺福李慈李欽李猷崔湜盧藏用傅李忠僧惠範作

逆伏誅進姜皎李令問王毛仲王守一官復劉幽
求鍾紹京張暉官令知政事講武于驪山改元開
元用盧懷慎姚崇為相改中書為紫微

甲寅

乙卯冊郢王嗣謙為皇太子

丙辰太上皇崩葬睿宗于喬陵源乾曜蘇珽為相姚崇
讓宋璟為相

丁巳幸洛陽嬪永樂公主于契丹

戊午至自東都

巳未

庚申張嘉貞為相

辛酉相姚崇卒

壬戌幸東都長安竊發

癸亥

經世之寅二千二百五十九

甲子唐明孝皇帝十三年廢皇后王氏為庶人幸東都

宋璟守長安

乙丑封泰山用源乾曜張說為左右相

丙寅李元紘杜暹為相還東都

丁卯至自東都

戊辰蕭嵩為相

己巳張說宋璟為左右相謁喬定獻昭乾五陵裴光庭
為相

庚午北討契丹

辛未辛東都

壬申至自東都宋璟免相

癸酉韓休張九齡裴耀卿為相

甲戌辛東都李林甫為相

乙亥

丙子至自東都牛仙客為相是年太真楊氏入宮李林

甫用事

丁丑廢皇太子瑛為庶人罷張九齡相仍黜之相宋璟

卒監察御史周子諒言牛仙客事杖死于朝

戊寅冊忠王璿為皇太子相李林甫領隴右河西節度使牛仙客領河東節度使

己卯平突厥獲其王追封孔宣父為文宣王顏回為充國公餘哲並為侯

庚辰

辛巳命安祿山為平盧軍節度使

壬午改元天寶李適之為相開莊文列庚桑子四學裴

耀卿進尚書右僕射

癸未

甲申改元為載命安祿山為范陽節度使作太真妃楊

氏養子

乙酉冊太真妃楊氏為貴妃契丹殺公主叛

丙戌陳希烈為左相右相李林甫大行誣搆首陷韋堅

丁亥改溫泉為華清宮

戊子以宦人高力士為驃騎大將軍關中外賜安祿山

鐵券幸華清宮

己丑幸華清宮

庚寅幸華清宮權歸韓國號國泰國三夫人及鴻臚卿
楊鉞宰相楊國忠五家安祿山進封東平郡王

辛卯幸華清宮安祿山入朝乞魚河東討雲南不利

壬辰幸華清宮李林甫卒楊國忠為右相

癸巳幸華清宮楊國忠大行誣構進封哥舒翰西平郡

王

經世之卯二千二百六十

甲午唐明孝皇帝四十三年受朝于華清宮韋見素為相始以詩賦取士楊國忠進位守司空

乙未安祿山以范陽叛兵陷東都皇太子璵為元帥監國高仙芝封常清軍敗以哥舒翰將兵二十萬守潼關

丙申潼關不守帝西幸蜀至馬嵬兵亂殺宰相楊國忠及貴妃楊氏祿山陷長安稱帝東都國曰燕元曰

聖武皇太子西至靈武即皇帝位是謂宣孝皇帝
改元至德以廣平王俶為元帥裴冕為相尊蜀中
帝為太上皇移軍彭原恒山陷顏杲卿死于東都
丁酉朔方節度使郭子儀太原節度使李光弼兵入逐
安祿山將大敗之于香積遂復兩京帝還長安太
上皇至自成都封廣平王俶為成王苗晉卿代韋
見素為左相安祿山為子慶緒所殺代立退保相
州改元天成

戊戌唐改元乾元以成王倣為皇太子李揆王璵為相
九節度圍安慶緒于相州軍潰祿山將史思明殺
安慶緒稱帝魏州

己亥唐改元順天李峴呂諲第五琦為相史思明復陷
東都

庚子唐改元上元宦人李輔國逼太上皇入西宮劉展
以揚州叛

辛丑太上皇崩于西宮帝亦不豫皇太子倣監國苗晉

卿行冢宰史思明為子朝義所殺代立保東都

壬寅改元寶應皇后張氏謀立越王係內臣李輔國程
元振幽皇后張氏于別殿殺之帝崩皇太子俶踐
位是謂孝武皇帝以雍王适為元帥元載為相程
元振為驃騎大將軍居中用事復東都及河朔史
朝義走幽州幽人殺之以獻

癸卯吐蕃犯長安別立武王宏帝出居郊郭子儀收京
城帝還長安放武王宏于華州葬玄宗于秦陵葬

肅宗于建陵改元廣德僕固懷恩以汾州叛罷苗
晉卿裴遵度相以李峴為相

甲辰以雍王為皇太子吐蕃寇邠及奉天王縉杜鴻漸
代劉晏李峴為相

乙巳改元永泰吐蕃大掠畿甸帝御六軍屯于苑命九
節度以本軍討賊吐蕃會回紇寇奉天僕固懷恩
啓之也郭子儀復以回紇隨白元光破吐蕃于靈
武崔旰以西川亂

丙午改元大厯周智光以華叛

丁未吐蕃大寇靈武郭子儀鎮涇陽

戊申吐蕃再寇靈武

己酉裴冕為相

庚戌臧玠以潭州叛

辛亥

壬子回紇掠京城朱滔節度幽州

癸丑郭子儀大敗吐蕃于靈武

甲寅

乙卯魏博節度田承嗣擅取洺衛磁相邺州軍亂

丙辰淄清李正己擅取齊海登萊沂密德棣曹濮兗鄆

請命封隴西王李寶臣封隴西王李忠臣封西平

王段秀實封張掖王崔寧破吐蕃河陽軍亂

丁巳誅宰相元載并夷其族貶相王縉括州刺史楊綰

常袞為相

戊午回紇寇太原吐蕃寇靈武

已未汴州軍亂皇太子适監國帝崩皇太子适踐位是
謂孝文皇帝葬代宗于元陵貶相常袞以崔祐甫
為相郭子儀為尚父

庚申改元建中朱泚領四鎮節度使劉文喜以涇亂冊
宣王誦為皇太子楊炎為相貶相劉晏自殺

辛酉盧杞為相貶相楊炎崖州司馬尚父郭子儀卒淄
青李正已魏博田悅恒定李惟岳各擁本部兵叛
李希烈平梁崇義于襄陽封之為南平王河東馬

燧澤潞李抱真破田悅于洹水

壬戌宣武劉洽神策曲環破李納于徐州幽州朱滔平
李惟岳于東鹿朱滔田悅王武俊李納李希烈稱
王相推為盟主關播始相

癸亥李希烈陷岐州太師顏真卿宣撫淮寧軍事不還
哥舒曜以鳳翔邠寧涇原軍大伐于東師喪虜潤
命涇州姚令言以本軍衛東都兵至漵水返戈入
長安立朱泚為帝于含元殿渾瑊奉帝出居奉天

朱泚兵頓乾陵朔方節度使李懷光以本兵救奉
天朱泚退保京城李懷光以本軍叛李希烈陷襄
陽許鄭及汴州哥舒曜走洛陽貶宰相盧杞新州
司馬蕭復劉從一姜公輔為相

經世之辰二百六十一

甲子唐孝文皇帝五年在奉天改元興元王武俊格命
李懷光走河中帝移軍梁州渾瑊及吐蕃敗朱泚
于武功李晟收京城迎帝還宮田希鑒殺馮河清

以涇州叛行軍司馬田緒殺田悅以魏博降李抱
真王武俊平朱泚于涇城淄清李納格命田希鑒
殺姚令言以涇州降李晟平涇州亂殺田希鑒李
希烈將李澄以滑州格命劉洽曲環敗李希烈于
陳州盧翰為相

乙丑改元貞元李希烈陷南陽渾瑊平李懷光于河中
丙寅劉滋崔造齊映李勉相繼為相陳仙奇殺李希烈
以蔡州降陳仙奇為蔡州刺史吳少誠又殺陳仙

奇以蔡州請命復以吳少誠為蔡州刺史吐蕃寇
涇隴

丁卯張延賞柳渾李泌為相渾瑊會吐蕃于平涼吐蕃
竊發于會渾瑊逃歸馬燧請之謬也

戊辰福建軍亂邠寧軍亦亂李晟馬燧李泌連相因徵
夏縣處士陽城為諫議大夫

己巳董晉竇參為相韋臯破吐蕃于雋州

庚午吐蕃陷北庭

辛未

壬申襄州軍亂趙璟陸贄為相貶相竇參郴州別駕吐

蕃入寇

癸酉賈耽盧邁為相宣武軍亂

甲戌南詔異牟尋破吐蕃于神州韋臯破吐蕃于峨和元
誼以田緒叛于洺黃少卿以欽叛

乙亥

丙子崔損趙宗儒為相

丁丑韋臯破吐蕃于嵩州

戊寅鄭餘慶為相栗鑰殺刺史以明州叛

己卯汴州軍亂吳少誠以陳蔡叛伐淮西不利

庚辰伐蔡不利又伐又不利徐州軍亂貶相鄭餘慶郴

州司馬齊抗為相蔡州吳少誠順命

辛巳韋臯大破吐蕃于雅州封臯南康郡王

壬午

癸未高郢為相吐蕃請和

甲申吐蕃南詔日本脩貢

乙酉正月帝崩皇太子誦踐位王叔文王伾用事韋執誼賈耽鄭珣瑜高郢杜佑為相罷官市物貶京兆尹李實通州長史削民故也冊廣陵王純為皇太子罷鄭珣瑜高郢相以杜黃裳表滋為相帝不豫八月授位于太子徙居興慶宮皇太子純踐位是謂章武皇帝葬德宗于崇陵貶王伾開州司馬王叔文渝州司馬韋執誼崖州司戶以鄭餘慶鄭綱

為相

丙戌改元元和太上皇崩于興慶宮杜佑行冢宰事
順宗于豐陵王士真為相劉闢以西川叛高崇文
平之誅王叔文于貶所

丁亥武元衡李吉甫為相李錡以潤州叛平之
戊子裴垍為相

己丑冊鄧王寧為皇太子王承宗以鎮叛蔡州吳少誠
卒弟少陽繼事

庚寅用權德輿為相

辛卯罷李藩相用李吉甫李絳為相皇太子寧卒

壬辰冊遂王恒為皇太子魏博軍亂

癸巳振武軍亂

經世之已二千二百六十二

甲午唐章武皇帝九年蔡州吳少陽卒子元濟繼事以

淮西逆命

乙未伐淮西盜殺宰相武元衡以裴度為相會兵伐王

承宗于鎮淄青李師道以嵩僧叛會兵伐淄青

丙申大伐淮西及鎮陽李逢吉王涯為相黃洞蠻屠巖
州宿州軍亂

丁酉崔羣李廓為相裴度大伐淮西將李愬入蔡獲吳
元濟以獻淮西平裴度復相

戊戌鎮州王承宗淄青李師道順命李夷簡皇甫鎛程
異為相

己亥劉悟殺李師道以淄青十二州降令狐楚為相沂

及安南軍亂以方士柳泌為台州刺史帝餌金石
有疾

庚子帝崩皇太子恒踐位是謂文思皇帝段文昌崔植
為相貶皇甫鏐崖州司戶安南平彝憲宗于景陵
鎮王承宗卒弟承元繼事

辛丑改元長慶杜元穎王播為相劉總棄幽州以張弘
靖代之幽州軍亂逐弘靖立朱克融為留後鎮州
軍亂殺田弘正立王廷湊為留後瀛州軍亂幽軍

拔瀛州鎮軍圍深州相州軍亂

壬寅冊景王湛為皇太子幽州朱克融陷滄州會鎮州
王廷湊兵攻深州王智興逐崔羣以徐州亂元稹
裴度李逢吉為相李宥逐李愿以汴州亂鎮兵救
饒陽及博野王國清以浙西叛德州軍亂

癸卯牛僧孺為相

甲辰帝崩皇太子湛踐位是謂昭武皇帝貶侍郎李紳
端州司馬李逢吉牛僧孺為相又以李程竇易直

為相葬穆宗于光陵

乙巳改元寶曆牛僧孺免相

丙午裴度復內相會亂宮人殺帝于飲所羣臣誅賊立
江王邕是謂昭獻皇帝以韋處厚為相幽州軍亂
殺其帥朱克融

丁未改元太和貶相李逢吉葬敬宗于莊陵
戊申鎮州王廷湊逆命安南軍亂路隋為相

己酉魏博軍亂殺節度使史憲誠立何進滔為留後李

宗閔為相南詔蠻陷東都

庚戌興元軍亂殺節度使李絳溫造平之牛僧孺宋申錫為相

辛亥幽州軍亂貶相宋申錫開州司馬內臣王守澄誣故也

壬子

癸丑李德裕王涯為相罷李宗閔相冊魯王永為皇太子

甲寅幽州軍亂復李宗閔相

乙卯鄭注李訓用事貶李德裕袁州長史罷李宗閔相
貶為潮州司戶用李訓賈餗李固言舒元興為相
出鄭注為鳳翔尹李訓誅宦氏不克走南山中尉
仇士良屠宰相李訓王涯賈餗舒元興及王播郭
行餘羅立言李孝本韓約十餘人監軍張仲清屠
鄭注于鳳翔李訓野死引鄭覃李石為相中尉仇
士良魚志弘並為大將軍遣內養馳四方交殺州

縣官吏

丙辰改元開成李固言為相

丁巳陳夷行為相河陽軍亂

戊午盜殺宰相李石于親仁里楊嗣復李珣為相易定
軍亂皇太子有罪卒于少陽院

己未崔鄆為相冊陳王成美為皇太子監國

庚申帝有疾中尉仇士良魚弘志冊潁王漙為皇太子
廢皇太子成美復為陳王帝崩皇太子漙立是謂

昭肅皇帝楊嗣復行家宰殺陳王成美安王溶于
邸二中尉封國公崔鄴崔珙陳夷行為相葬文宗
于章陵楊嗣復李珣罷相李德裕復相

辛酉改元會昌用李紳為相貶相楊嗣復李珣為州司
馬幽州軍亂

壬戌李德裕專政

癸亥劉禎以澤潞叛

經世之午二千二百六十三

甲子唐昭肅皇帝四年太原軍亂邢洺磁三州叛澤潞
二州平杜宗崔鉉為相貶相崔珙為州司馬

乙丑罷崔鉉杜棕相李回崔元式鄭肅為相大除象教
丙寅帝餌金石有疾命光王怡為皇太叔帝崩太叔怡
立是謂獻文皇帝用白敏中盧商韋琮為相葬武
宗于端陵

丁卯改元大中貶相李德裕潮州司馬

戊辰周墀馬植崔龜從為相

己巳罷周墀馬植相再貶李德裕崖州司戶崔鉉魏扶
為相幽州軍亂

庚午魏扶罷相令狐綯為相

辛未魏謩為相

壬申裴休為相

癸酉鄭朗為相

甲戌

乙亥

丙子

丁丑魏謩出尹成都崔慎由蕭鄴為相

戊寅劉瑒夏侯孜為相宣洪寇亂

己卯蔣伸為相冊鄆王溫為皇太子帝崩皇太子溫踐位是謂恭惠皇帝令狐絢行冢宰

庚辰葬宣宗于貞陵令孤絢出尹河中杜審權杜悰為相改元咸通宣洪寇亂

辛巳相蕭鄴出尹太原蔣伸罷相林邑蠻入寇

壬午徐州軍亂林邑蠻陷交趾及安南都護

癸未楊收曹確高瓚為相蠻陷安南州

甲申杜審權出刺潤州蕭寘為相蠻寇邕管

乙酉徐商為相高駢平林邑蠻復安南都護

丙戌夏侯孜出尹成都路巖為相

丁亥楊收觀察浙西于琮為相

戊子湘潭戍軍亂立龐勛為帥陷徐宿滁和濠五州

貶楊收端州司馬移驩州賜死

已丑蔣仲罷相劉瞻為相徐商出尹江陵命十八將伐
徐以康成訓為軍帥徐寇平蠻復寇東西二川
庚寅相曹確病免韋保衡為相大黜官吏王鐸為相
辛卯相路巖出尹成都

壬辰劉鄩出刺幽州于琮出刺襄州趙隱為相大行黜
陟命沙陀李國昌移鎮雲中國昌以大同阻命

癸巳征李國昌蕭倣為相冊普王儼為皇太子韋保衡
行冢宰帝崩皇太子儼踐位是謂恭定皇帝兩軍

中尉居中用事黜冢宰韋保衡仍賜死復前之官

吏

經世之末二千二百六十四

甲午唐恭定皇帝元年葬懿宗于簡陵崔彥昭鄭畋盧
攜為相改元乾符蠻寇兩川

乙未浙西及曹濮寇亂王鐸復相

丙申相蕭儼病免浙西寇平曹濮王仙芝陷江淮南北
十五州至江南乞符節于朝不聽李蔚為相

丁酉冤句寇黃巢陷沂鄆南會王仙芝將尚讓于蔡文
查牙山破隨及江陵沙陀李國昌寇朔州

戊戌江陵寇平黃巢擾淮北淮南及江南廣南李國昌
陷岢嵐昭義軍亂鄭從謹為相李蔚出守東都

己亥黃巢據嶺表乞符節于朝不聽罷盧攜鄭畋相以
崔沆豆盧瑑為相盧攜復相

庚子改元廣明鄭從謹出尹太原沙陀軍敗北黃巢軍
北逾五嶺破湖湘及江淮揚州高駢距文不利發

徐寬許軍赴殷水以捍東都殷水軍潰黃巢陷東都西攻邠號潼關失守罷盧攜相王徽裴徹為相黃巢陷長安稱帝國曰齊元曰金統帝出南山

辛丑帝移軍興元蕭遘為相鄭畋為都統楊復光為監軍羽書飛天下沙陀順命請勤王黃巢攻鳳翔帝移幸成都改元中和以韋昭度為相河中王重榮軍屯沙苑涇原唐弘夫軍屯渭北易定王處存軍屯渭橋鄜延托跋思恭軍屯武功鳳翔鄭畋軍屯

藍屋邠寧朱玫軍屯興平荆襄王鐸軍至自行在
王徽都督潞州

壬寅帝在成都黃巢保長安其將朱溫以同州降錫名
全忠沙陀李克用自代北至軍屯梁田

癸卯帝在成都諸將合攻大破巢軍于渭南巢走藍關
遂收京城以李克用為河東節度使朱全忠為宣
武軍節度使巢軍東走圍陳蔡蔡州秦宗權以城
降賊合巢兵攻陳州以春磨圍陳三百日陳刺堅

守不陷

甲辰帝在成都以鄭昌圖為相汴州朱全忠及關東諸
侯鎮帥兵會河東李克用兵大破巢軍于太康及
西華又北破之于中牟又東滅之于冤句巢寇平
朱全忠圖李克用于汴之上元驛不克自此二帥
交惡朝廷封李克用隴西郡王以和解之

乙巳帝至自成都改元光啟秦宗權保逆陳蔡王鎔專
兵鎮陽李昌符抗兵鳳翔王重榮擅兵蒲邠諸葛

與擁兵孟洛孟方立控兵邢洺李克用阻兵并代
朱全忠瀆兵汴滑時溥弄兵徐泗朱瑾窮兵齊鄆
王敬武握兵淄青高駢玩兵淮南劉漢宏恃兵浙
東王處存結兵易定李可舉堅兵幽薊中尉田令
孜取河中王重榮解州監池不克引邠寧師伐河
中重榮會太原師攻令孜京師軍亂邠將朱玫敗
歸邠引神策軍大掠都市令孜以帝幸鳳翔封宣
武節度朱全忠為沛郡王錢鏐始受封為杭州刺

史

丙午帝在鳳翔河中王重榮條罪攻田令孜令孜以帝
移幸興元相蕭遘裴徽鄭昌圖召邠軍迎帝還都
朱玫軍至自鳳翔令孜以帝移軍過散關朱玫追
帝不及至遵途獲皇子襄王煬興元節度石君涉
合朱玫軍破棧以絕帝歸路帝至興元石君涉棄
城走朱玫軍帝以孔緯杜讓能為相出田令孜為
劔南節度使李鋌楊守亮楊守宗敗朱玫軍于鳳

翔朱玫逼蕭遘立襄王煨幸鳳翔玫稱大丞相率
百官還京奉煨稱帝改元建貞罷蕭遘相以鄭昌
圖裴徹為相宣諭四方加諸鎮官常山太原宣武
河中不受命王重榮李克用敗朱玫將王行瑜于
鳳翔行瑜退攻興元以邠軍退長安殺朱玫大掠
京城裴徹鄭昌圖以襄王煨奔河中王重榮殺襄
王煨以獻蔡將孫儒陷鄭及許洛懷孟陝號巢將
諸葛爽據河陽李罕之據澤州張宗奭據懷州秦

宗權稱帝陳蔡王潮據福州

丁未帝自興元移軍鳳翔以張濬為相揚州軍亂牙將
畢師鐸囚帥高駢召秦宗權之宣州觀察秦彥為
揚州節度使蔡兵攻汴兗鄆之帥合兵大破其軍
蔡將孫儒棄鄭及許洛懷孟陝號張宗奭取洛陽
李罕之取河陽同附于全忠張宗奭賜名全義京
師楊守立李昌符爭道戰于通衢昌符敗走隴州
河中軍亂牙將常行儒殺其帥王重榮立其弟重

盈為留後揚行密與蔡將孫儒爭揚州行密拔揚
州秦彥畢師鐸奔孫儒于高郵復攻行密行密求
救于汴汴軍授行密于淮口東川顧彥朗壁州王
建攻成都

戊申帝至自鳳翔改元文德觀軍容使楊復恭專命李
鋌為相冊壽王傑為皇太弟帝崩皇太弟傑踐位
是謂景文皇帝韋昭度行家宰魏州軍亂殺帥樂
彥貞小校羅宗弁為留後張全義拔河陽李罕之

走澤州蔡將孫儒拔揚州楊行密走宣城朱全忠
攻徐州蔡將趙諲以荆襄降于汴全忠敗蔡人于
龍坂蔡將申蘄執秦宗權降于汴淮西朱全忠兼
領蔡州節度使王建大寇劔南韋昭度出尹成都
葬僖宗于靖陵

己酉改元龍紀以劉崇望為相封朱全忠東平王王建
陷成都稱留後太原李克用攻邢洺杭州錢鏐拔
宣城獲劉浩

庚戌改元大順孟遷以邢入于太原李克用攻雲州幽州援之敗李克用于蔚州幽州李匡威雲州赫連鐸會汴兵攻太原李克用潞州軍亂殺李克恭降于汴克用將安建以邢洺磁三州降于全忠宰相張濬帥京兆孫揆華州韓建出陰地關會汴將葛從周兵入潞州太原兵攻潞州幽雲兵攻鴈門太原將匡君立入潞州克用敗幽雲之兵于鴈門將李存信又敗張濬韓建兵于陰地遂拔晉降朝廷

復克用官貶張濬連州刺史崔昭緯徐彥若為相
克用將李存孝以邢入于汴

辛亥命中尉楊復恭致政復恭不受命陳兵于昌化里
命天威軍使李順節討之不利兩軍中尉劉景宣
西門重遂殺天威軍使李順節于銀臺門順節兵
散大掠京城復恭奔興元鄭延昌為相太原李克
用攻邢州責叛已也宣武朱全忠攻魏州責不助
討也鎮州援邢州克用攻鎮州幽兵援鎮州汴兵

攻宿州幽鎮兵攻定州處存求救于太原宣州楊
行密滅孫儒據有揚州封行密為淮南王

壬子改元景福鳳翔李茂貞邠州王行瑜華州韓建同
州王行約秦州李茂莊兵陷興元殺楊守亮及楊
復恭左軍中尉西門重遂殺天威軍使賈德晟于
京師部下奔鳳翔太原李克用會易定兵敗鎮兵
于堯山

癸丑鳳翔李茂貞舉兵犯闕敗覃王兵于藍屋帝誅中

軍西門重遂李周儻貶相杜讓能岐兵乃止進茂
貞中書令封秦王以王行瑜為尚父文博為相成
都王建興李茂貞爭東川幽軍亂逐其帥李匡威
于鎮以其弟匡籌為留後汴兵滅徐兼領其鎮李
克用敗鎮州王鎔于中山鎔乞盟遂許盟而退

甲寅改元乾寧崔徽為相王博出鎮湖南李茂貞擁山
南十五州以抗王室汴兵敗冤鄆之師于東阿朱
瑄朱瑾求救于太原李克用拔邢州獲李存孝拔

雲州獲赫連鐸拔幽州獲李匡籌用幽人請以匡
籌將劉仁恭為留後

乙卯河中王重盈卒太原李克用請以王珣龍重盈封
于朝邠州王行瑜鳳翔李茂貞華州韓建請以王
珣襲重盈封于朝朝廷先許克用陝州王珣絳州
王瑤以兵攻珣于河中王行瑜李茂貞兵入長安
行廢不克殺宰相韋昭度及李璣各以兵二千留
京師而去李克用渡河稱討同州王行實棄郡奔

京師與兩軍中尉駱全珍劉璟宣逼帝西幸帝以
李筠李君實兵出次南山都人畢從命延王戒丕
丹王允從李克用西討封淮南揚行密弘農王亦
從西討克用敗邠軍于犁園帝還京邠州平行瑜
野死封克用為晉王克用還太原崔昭緯罷相徐
彥若為相董昌以浙東叛稱王國曰羅平元曰大
聖

丙辰岐兵犯長安韓建逼帝幸華州建進封中書令兼

兩京尹陸扆王搏崔胤孫偓為相魏州羅弘信敗
太原之師于萃以絕李克用充鄆之援克用攻魏
下十城湖南軍亂立馬殷為留後錢鏐平浙東獲
董昌授鏐中書令相王搏觀察浙東陸扆出刺陝
州

丁巳帝在華州孫偓罷相鄭綮為相冊德王裕為皇太
子封韓建為昌黎王鄭綮病免朱朴為相韓建殺
禁衛李筠以散衛兵罷八王兵柄仍殺之貶相朱

朴殺帝侍衛馬殷許巖士帝封兩浙錢鏐吳王俾
救難王室汴將龐師古拔鄆州朱瑄野死汴將葛
從周拔兗州朱瑾奔淮南兗鄆曹濮齊隸汴密徐
宿陳蔡許鄭滑盡入于汴全忠以八郡兵攻淮南
朱瑾以淮南兵敗汴兵于清口獲將龐師古又敗
汴軍于泚河走葛從周楊行密遂據有江淮幽州
劉仁恭敗李克用于安塞福州王潮卒弟審和繼
事

戊午帝在華州以崔遠為相冊何氏為皇后帝還長安
改元光化以華州為興德府韓建進封潁川王汴
將葛從周拔李克用之邢洺磁氏叔琮拔趙匡凝
之隨唐鄧澤州李罕之拔克用之上黨歸于汴幽
州劉守文拔汴之滄州魏博羅弘信卒子紹威稱
留後

已未復陸扆相蔡軍以崔珙奔淮南幽兵寇趙魏引
汴兵破之汴將氏叔琮攻太原不利陝州軍亂牙

將殺其帥王珙立李璠為留後又殺之降于汴青
州王師範將牛從毅以海州入于淮南

庚申相崔胤誣殺宰相王搏樞密使宋道弼景務脩朱
全忠會魏軍攻幽之滄德州李克用拔汴之邢州
又以三鎮兵攻鎮州王鎔乞和乃還汴將張存敬
攻幽之滄州又拔祁州又敗定州王處直于沙河
進攻定州處直以定州降于全忠罷崔遠相以裴
贇裴樞為相徐彥若觀察青海中尉兩軍劉季述

王仲先幽帝于東內令皇太子裕監國相崔曄張
濬告難于全忠全忠自定還汴護駕將孫德昭周
承誨董彥誅劉季述王仲先帝自幽所還政

辛酉誅神策使季師度徐彥回寔帝故也降皇太子裕
為德王改元天復汴將張存敬由含山路拔李克
用之河中及晉絳朱全忠兼領河中節度進封梁
王梁軍大舉攻晉之太原晉將孟遷以澤入于梁
梁將氏叔琮長驅出團栢屯軍洞渦葛從周以趙

魏兵入土門陷承天會天大雨乃復宰相崔胤受
全忠旨逼帝幸東都未及行中尉韓全誨以李茂
貞兵劫帝幸鳳翔罷崔胤相崔胤至三原促全忠
西攻全忠以鎮兵破華州由京城西圍鳳翔又破
邠州獲李繼徽以絕其援

壬戌帝在鳳翔封淮南楊行密吳王兩浙錢鏐越王俾
救難王室皆不至李克用南攻朱全忠自鳳翔至
河中命將拔晉之汾州進圍太原不利全忠自河

中復至鳳翔鄜州節度使李周彝以兵援鳳翔汴
將孔勛乘虛陷鄜州周彝以兵降全忠邠寧鄜坊
又入于梁鳳翔李茂貞逐誅宦氏韓全誨以解全
忠之圍

癸亥帝還長安進朱全忠元帥復崔胤相全忠誅宦氏
七百人罷陸扆相以裴樞王溥為相青州王師範
拔梁之兗州全忠東攻青州成都王建寇李茂貞
之秦隴以脩好于全忠王師範會淮南兵敗梁軍

于臨淄梁將楊師原敗青軍于臨淄王師範以青
州降淮南揚行密攻鄂州荆南成汭救鄂澧朗軍
乘虛陷江陵趙匡凝乘虛陷荊州成汭憤死岐兵
逼長安梁軍屯河中全忠逼帝都洛陽殺宰相崔
胤六軍使鄭仁規皇城使王建勲飛龍使陳班閤
門使王建襲客省使王建義左僕射張濬緩遷故
也柳璨崔遠代相

經世之申二千二百六十五

甲子唐景文皇帝十六年東徙至穀水梁王朱全忠坑
帝侍從三百人至洛陽改元天祐以張漢瑜為相
楊崇本以邠兵寇關轉全忠西攻行殺于洛宮立
輝王祚是謂哀帝李克用以本部兵保太原

乙丑梁王全忠逼帝授禪殺宰相裴樞崔遠陸扆及九
王用張文蔚楊涉為相盡出朝廷官吏太原李克
用鳳翔李茂貞成都王建襄陽趙匡凝同謀興復
梁將楊師厚敗趙匡凝于江湄進拔襄陽匡凝將

王建武以荆南兵衆降唐鄧復郢隨襄荆南又入
于梁匡凝奔淮南朱全忠加九錫總百揆天下元
帥進封魏王不受再逼授禪殺樞密使蔣元暉豐
德庫使應頊尚食使朱建武及宰相柳璨太常卿
張廷範太常少卿裴礪溫變知制誥張茂昭及皇
后何氏淮南揚行密卒子渥繼事太原李克用會
契丹阿保機于雲州進兵河北

丙寅魏州牙兵亂朱全忠坑之進圍幽之滄州幽人求

救于太原李克用會幽軍攻上黨梁將丁會以澤潞降全忠自長蘆還大梁

丁卯朱全忠代唐命于汴改國曰梁元曰開平薛貽矩韓建為相降帝為濟陰王徙之曹河東晉王李克用淮南吳王楊渥劍南蜀王王建山東秦王李茂貞兩浙越王錢鏐荆南渤海王高季昌湖南楚王馬殷泉南閩王王審知廣南南海王劉隱並行唐年

戊辰梁攻河東用于競張榮為相殺濟陰王于曹州荆
南高季昌湖南馬殷兩浙錢鏐附于梁是年劍南
王建稱帝成都國曰蜀元曰武成河東李克用淮
南楊渥山南李茂貞泉州王審知南海劉隱行唐
年河東李克用卒子存勗繼誅亂命李克寧李存
顯敗梁軍于潞之三垂崗淮南楊渥為部將張顥
所殺代立大將徐溫自金陵入誅顥立渥弟渭溫
專制

己巳梁自汴徙都洛陽交祀天地趙光逢杜曉為相張
奉以沙州亂劉知俊以同州叛丹襄軍亂泉南王
審知南海劉隱附于梁劉隱卒弟巖立河東李存
勗淮南揚渭山南李茂貞行唐年

庚午梁之鎮州王鎔定州王處直請附于晉河東李存
勗東下河北

辛未梁改元乾祐北攻鎮定軍敗于柏鄉蜀改元永平
是年李存勗將劉守光稱帝幽州

壬申梁北攻鎮定屠棗強乃復六月郢王友珪行弑代
立改元鳳歷殺博王友文于汴冀王友謙以河中
入于晉許州軍亂晉王李存勗敗燕軍于龍崗進

圍幽州

癸酉梁六軍殺友珪立均王友貞于汴復乾祐三年晉
李存勗平幽州獲劉守光及父仁恭以歸

甲戌梁將王殷以徐叛附于吳晉李存勗開霸府于太
原

乙亥梁改元貞明鄴王楊師厚卒分其地六州為兩鎮
魏軍遂亂囚其帥賀德倫以六州入于晉蜀拔山
南之秦鳳階成宮大火晉李存勗東下大會兵于
魏郊

丙子梁之河北皆入于晉趙光逢鄭珏為相攻晉不利
蜀改元通正拔山南之隴州晉李存勗敗梁軍于
故元城吳封相徐溫為齊國公屬之以金陵丹陽
毗陵宣城新安池陽六郡鎮金陵

丁丑梁冊兩浙錢鏐為天下兵馬元帥是年劉巖以南
海稱帝國曰漢元曰乾亨蜀改元天漢誅降將劉
知俊于炭市晉李存勗拔梁之楊劉城

戊寅梁之鄆濮陷于晉蜀改元天光建遇毒死子行立
晉李存勗擁太原魏博幽滄鎮定邢洺麟勝雲朔
十鎮之師大閱于魏郊敗梁軍于胡柳

己卯梁張守進以兗入于晉蜀改元乾德晉逼梁之河
南是年楊渭稱帝淮南國曰吳元曰武義徐溫為

大丞相都督中外封東海王

庚辰梁李琪為相陳州妖寇亂晉兵入寇吳楊渭卒弟
溥立晉存勗拔梁之同州

辛巳梁改元龍德惠王友能以陳叛吳改元順義晉鎮
定亂契丹犯幽州

壬午晉李存勗平鎮定又敗契丹于易水

癸未河東晉王存勗稱帝魏州是謂莊宗國曰唐元曰
同光是謂後唐以豆盧革為相郭崇韜樞密使自

魏由鄆而南敗梁將王彥章于中都長驅入汴殺
友貞于降國樓降之為庶人潞州軍亂淮南楊溥
兩浙錢鏐山南李茂貞湖南馬殷請附吳楊溥去
帝號稱王荆南高季興泉南王審知行梁年

甲申唐自汴徙都洛陽平上黨

乙酉唐帝存勗北巡魏郊以樞密使郭崇韜同魏王繼
岌伐蜀七月平之獲其主王衍以歸至秦川驛族
殺之以孟知祥鎮成都荆南高季興請附蜀改元

咸康國亡漢改元曰龍泉南王審知為子延翰所
殺代立

丙戌唐內命亂皇后劉氏使人殺樞密使郭崇韜于蜀
魏軍變以鎮帥李嗣源代之嗣源至魏軍又變二
軍奉李嗣源入汴唐帝存勗東征至萬勝乃復內
軍又變殺存勗于絳霄殿嗣源入洛稱帝是謂明
宗改元天成誅宰相豆盧革韋說以鄭珏任圜為
相安重誨為樞密使魏王繼岌自成都入至渭橋

殺之荆南逆命泉南稱附泉南王延翰為弟王延
鈞所殺代立

丁亥唐以馮道崔協為相盧臺及浚義軍亂淮南楊溥
復稱帝改元乾貞宰相徐溫卒養子知誥繼事于
金陵稱王是年北狄耶律德光稱帝潢水國曰契
丹元曰天顯

戊子唐以王建立為相王都以定叛高季興以荆南入
于吳漢改元大有

已丑唐以趙鳳為相安重誨專政吳改元大和

庚寅唐改元長興河中兵亂西川孟知祥東川董璋連

叛

辛卯唐以李遇為相罷安重誨樞密使以趙延壽范延
光為樞密使東西二川相攻

壬辰唐孟知祥平東川獲董璋稱表封知祥為蜀王吳
王錢鏐卒子元瓘繼福州王延鈞稱帝國曰閩元
曰光啟

癸巳唐以劉照為相潞王從珂出尹鳳翔石敬瑭移鎮太原帝嗣源病秦王從榮以河南府兵攻端門不克敗死明宗終立宋王從厚是謂閔帝馮道李愚為相專政朱宏昭馮贇為樞密使

經世之酉二千二百六十六

甲午後唐閔帝從厚元年改元應順以鳳翔潞王從珂移鎮太原從珂自岐入逐從厚代立于洛宮改元清泰從厚出奔衛州就殺之是年孟知祥以西川

稱帝成都國曰蜀元曰明德知祥卒子昶繼

乙未唐以韓昭胤為相忻州戍軍亂吳改元天祚閩改元永和臣李倣弑其君延鈞立其子昶

丙申唐以馬裔孫為相以太原石敬瑭移鎮汶陽石敬瑭自太原入以北狄耶律德光稱帝入洛代唐命改國為晉元曰天福以并州從事桑維翰趙瑩為相馮道依舊相輸冀氏之北入于狄從珂火死于玄武樓荆南兩浙稱附閩王昶誅李倣改元通文

丁酉晉以李崧為相河陽張從賓魏州范延光滑州符
彥饒安州盧文進不從命悉平之吳大將徐知誥
代吳命于金陵改國曰齊易號為唐元曰昇元復
姓李氏易名為昇以宋齊邱徐玠為左右相徙其
君于丹徒殺之

戊戌晉徙都汴魏帥范延光服命封高平王移鎮汶陽
北狄耶律德光改元會同

己亥閩亂連重遇殺其君昶立其叔父延義改元永隆

庚子晉用和凝為相李金全以安叛命馬全節以十郡之師平之

辛丑晉帝石敬瑭北巡鄴安從進以襄叛安重宋鎮叛兩浙錢元瓘卒子弘佐繼

壬寅晉帝石敬瑭終于鄴從子齊王重貴立侍魏將軍耿延廣專政始貳于狄漢劉巖卒子玠繼改元光大

癸卯晉楊光遠以青叛北狄入寇漢亂弟晟殺其君玠

代立改元應乾再改元乾和江南李昇卒子璟繼
改元保大宋齊邱周京為相平白雲蠻于虔州閩
王延義弟延政亦稱帝建州國曰殷元曰天德

甲辰晉改元開運北狄入寇至于貞博封晉陽劉知遠
為太原王劉照為相閩亂大將朱文進殺其君延
義代立以福州稱附于晉

乙巳北狄大入寇晉河朔至于磁相封劉知遠北平王
罷和凝桑維翰相以馮玉為相李崧知樞密院事

丙午晉大將杜重威季守貞及裨將張彥澤以軍降狄
于中渡彥澤以兵五百人入汴為狄清路幽其君
重貴于開封府署唐平閩之建州滅王延政

丁未正月契丹耶律德光入汴滅晉改國曰遼誅張彥
澤徙其君重貴于北荒政之龍城二月北平王劉
知遠稱帝晉陽年用天福是謂高祖五月契丹潰
于汴耶律德光留相蕭翰守汴翰求後唐明宗子
從益立之而去六月劉知遠留子崇守太原南入

汴代命建國曰漢用蘇逢吉蘇禹珪為相又以竇
貞固李濤為相楊贊郭威為樞密使相馮道李崧
自藥城至杜重威以魏州拒命閩國分為三荆南
兩浙稱附于漢吳越錢弘佐卒弟弘倧立狄契丹
耶律德光還至藥城卒兄之子几欲代立歸國廢
德光母改元天祿

戊申漢改元乾祐帝知遠終子周王承祐繼罷李濤相
以楊贊為相平鄴誅杜重威李守貞以河中阻命

王景崇以鳳翔叛趙思綰以永興抗命郭威以樞密使西伐之浙東亂大將胡思進廢其君弘侖立其弟倣

已酉漢之蒲雍岐三叛平契丹寇河北命郭威以樞密使北伐鎮鄴

庚戌漢夷宰相楊贊侍衛將軍史宏肇三司使王章族賜澶州王殷魏州郭威王峻死十二月樞密使郭威以魏兵入渡河敗內軍于劉子陂其主承祐野死

郭威至汴請宰相馮道迎其君之弟承珪于徐州
還至澶淵軍變復入汴太后命威監國降承珪為
湘陰公誅宰相蘇逢吉及劉銖

辛亥正月監國郭威代漢命于汴是謂太祖改國曰周
元曰應順王峻范質馮道為相湘陰公死于宋州
兗州慕容彥超不受命荆南兩浙稱附太原劉崇
稱帝河東國曰漢年用乾祐江南唐平湖南徙其
屬于金陵北狄亂契丹元欲為其族述乾所殺德

光子述律平其亂代立改元應歷易名為璟

壬子周平兗州

癸丑周冊皇后姪柴榮為皇太子封晉王尹開封府流
王峻于商州王殷于登州皆殺之李穀馮道為相
甲寅周鄭仁誨王溥為相改元顯德太祖威終晉王榮
紹位于汴宮河東劉崇以契丹之師入寇周主榮
親征大破劉崇于高平誅不用命者將校七十人
進攻太原不克澤潞汾遼忻代嵐石迎降宰相馮

道卒于州

乙卯周大伐江南及蜀漢劉崇卒子承鈞繼

丙辰周廣汴都外城南伐取唐之滁和敗其軍于渦口

漢劉承鈞改元天會

丁巳周李穀罷相王朴為樞密使伐江南有功唐改元
交泰兵敗于紫金山請以江北地求和于周

戊午周受唐江北地南漢劉晟卒子鋹繼改元大寶唐
請附于周殺宰相宋齊立及陳覺李知古

已未周征契丹至于瓦橋取瀛莫易置雄霸遂趣幽州
寧雄瀛莫迎有疾乃還復冊妃符氏為皇后子崇
訓為皇太子封梁王用魏仁溥范質為相趙匡胤
進位檢校太傅充殿前都點檢世宗榮終皇太子
崇訓嗣位

庚申


辛酉

壬戌

癸亥

經世之成二千二百六十七

經世之亥二千二百六十八



皇極經世書卷六下